



Bosnia and Herzegovina
Federation of Bosnia and Herzegovina

CANTON SARAJEVO
Government

Broj: 02-04-47872-39/21
Sarajevo, 30.12.2021. godine

Na osnovu člana 26. i 28. stav (4) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka), a u vezi sa članom 20. Zakona o taksi prijevozu u Kantonu Sarajevo („Službene novine Kantona Sarajevo“, broj: 11/14, 26/14, 14/16, 16/16 - Ispravka i 14/21) Vlada Kantona Sarajevo, na **57. sjednici održanoj 30.12.2021. godine**, donijela je

ZAKLJUČAK

1. Prihvata se Izvještaj Ministarstva saobraćaja Kantona Sarajevo o utvrđivanju slobodnih dopunskih taksi oznaka.
2. Izvještaj iz tačke 1. zaključka dostavlja se Skupštini Kantona Sarajevo na nadležno odlučivanje.

PREMIJER

Edin Forto

Dostaviti:

1. Predsjedavajući Skupštine Kantona Sarajevo,
2. Skupština Kantona Sarajevo
3. Zamjenici predsjedavajućeg Skupštine Kantona Sarajevo (3x),
4. Premijer Kantona Sarajevo,
5. Ministarstvo saobraćaja Kantona Sarajevo,
6. Evidencija,
7. A r h i v a.



web: <http://vlada.ks.gov.ba>
e-mail: vlada@vlada.ks.gov.ba
Tel: + 387(0)33 562-068, 562-070
Fax: + 387(0)33 562-211
Sarajevo, Reisa Džemaludina Čauševića 1



Na osnovu člana 120. Poslovnika Skupštine Kantona Sarajevo ("Službene novine Kantona Sarajevo", broj: 41/12- Drugi novi prečišćeni tekst, 41/12, 15/13, 47/13, 47/15, 48/16, 9/20 i 14/29) i člana 20. stav (3) Zakona o taksi prijevozu u Kantonu Sarajevo („Službene novine Kantona Sarajevo“ broj: 11/14, 26/14, 14/16 i 16/16-Ipravka), Skupština Kantona Sarajevo, na sjednici održanoj dana _____ 2021. godine donijela je

Prijedlog

Z A K L J U Č A K

Usvaja se Izvještaj Ministarstva saobraćaja Kantona Sarajevo o broju dopunskih taksi oznaka u Kantonu Sarajevo u 2021. godini a iz kojeg proizilazi da nema slobodnih dopunskih taksi oznaka za dodjelu u 2022. godini.

Broj: _____/21
Sarajevo, _____ 2021. godine

PREDSJEDAVAJUĆI
SKUPŠTINE KANTONA SARAJEVO
Elvedin Okerić

O B R A Z L O Ž E N J E

Pravni osnov

Pravni osnov za donošenje ovog Zaključka sadržan je u člana 120. Poslovnika Skupštine Kantona Sarajevo ("Službene novine Kantona Sarajevo", broj: 41/12- Drugi novi prečišćeni tekst, 41/12, 15/13, 47/13, 47/15, 48/16, 9/10 i 14/20) i članu 20. stav (3) Zakona o taksi prijevozu u Kantonu Sarajevo („Službene novine Kantona Sarajevo“ broj: 11/14, 26/14, 14/16, 16/16- ispravka i 14/21)

Razlozi za donošenje

Razlozi za donošenje ovog zaključka proizilaze iz odredbi člana 20. stav (3) Zakona o taksi prijevozu u Kantonu Sarajevo («Službene novine Kantona Sarajevo» br. 11/14, 26/14, 14/16, 16/16-Ispravka i 14/21) kojim je propisano da broj slobodnih dopunskih taksi oznaka posebnim aktom utvrđuje Skupština Kantona Sarajevo na osnovu razlike broja dopunskih taksi oznaka iz stava (1) ovog člana i postojećeg broja važećih dopunskih taksi oznaka, na kraju tekuće godine, po izvještaju resornog ministarstva.

Ministarstvo saobraćaja sačinilo je izvještaj o broju dopunskih taksi oznaka u 2021. godini, a iz kojeg proizilazi da nema slobodnih dopunskih taksi oznaka.

Obzirom na ovakvo činjenično stanje, nema osnova za donošenje posebnog akta Skupštine Kantona kojim bi se utvrđivao broj slobodnih taksi oznaka za 2022. godinu, te vršila dodjela istih.

Shodno navedenom predlaže se Skupštini Kantona Sarajevo donese Zaključak u predloženom tekstu.



Bosnia and Herzegovina
Federation of Bosnia and Herzegovina

CANTON SARAJEVO
Ministry of Traffic

IZVJEŠTAJ
o broju dopunskih taksi oznaka u Kantonu Sarajevo

obrađivač:

Ministarstvo saobraćaja

Sarajevo, decembar 2021. god.



web: <http://ms.ks.gov.ba>

e-mail: ms@ks.gov.ba;

Tel: + 387 (0) 33 562-058, + 387 (0) 33 562-059
Sarajevo, Reisa Džemaludina Čauševića 1



IZVJEŠTAJ o broju dopunskih taksi oznaka u Kantonu Sarajevo

I Propisi za oblast taksi prijevoza

Taksi prijevoz u Kantonu Sarajevo uređen je Zakonom o taksi prijevozu u Kantonu Sarajevo (»Službene novine Kantona Sarajevo« broj: broj: 11/14, 26/14, 14/16 i 16/16-isppravka,14/21).
Navedenim zakonom propisani su opći i posebni uslovi za obavljanje taksi prijevoza u Kantonu Sarajevo, a između ostalog obaveza posjedovanja dopunske taksi oznake za svako taksi vozilo, te način utvrđivanja ukupnog broja dopunskih taksi oznaka.

II. Dopunska taksi oznaka

Dopunska taksi oznaka predstavlja regulator broja taksi vozila odnosno određivanjem broja dopunskih taksi oznaka određuje se i broj taksi vozila koja imaju pravo da obavljaju taksi prijevoz u Kantonu Sarajevo.

Dopunska taksi oznaka je vlasništvo Ministarstva, a dodjeljuje se taksi prijevoznicima za taksi vozilo po principu jedna taksi oznaka za jedno vozilo, ima jedinstveni evidencioni broj i izdaje se u jednom primjerku.

O dodjeli taksi oznake, Ministarstvo donosi rješenje o dodjeli dopunske taksi oznake, a izdaje se za svako pojedinačno taksi vozilo.

Period važenja dopunske taksi oznake je godinu dana, ali ne duže od roka važenja licence „D“ za vozilo.

Izmjenama i dopunama Zakona o taksi prijevozu u Kantonu Sarajevo („Službene novine Kantona Sarajevo“ broj 14/21) uveden je pojam taksi oznake za prijevoz lica sa invalidetom, odnosno uvedene su posebne taksi oznake namjenjene za taksi vozila za prijevoz lica sa invaliditetom.

U predhodnoj Odluci o taksi prijevozu („Službene novine Kantona Sarajevo“ broj 10/04) u članu 42. propisano da „Taksi prijevoznici pravna i fizička lica koji posjeduju važeći obrazac licence za svoje taksi vozilo ostvarit će pravo na prvu dodjelu dopunskih taksi oznaka za vozilo...”

Odnosno svi taksi prijevoznici koji su posjedovali važeću licencu “D” na dan stupanja na snagu odluke o taksi prijevozu (22.04.2004 godine) stekli su pravo na dodjelu taksi oznake vozilo a ukupno je dodjeljeno 1436 taksi oznaka i to 1279 fizičkim licima i 157 pravnim licima .

U predhodnom periodu od 2004 godine do sad nisu se stekli uslovi za izdavanje novih dopunskih taksi oznaka odnosno nije smanjen broj taksi oznaka i taksi vozila prema broju stanovnika na usvojeni omjer 1:700.

U periodu od 2004 godine do sad **došlo je do znatnog smanjenja broja taksi oznaka i to za 561 taksi oznake.**

Zakonom o taksi prijevozu je data mogućnost prenosa važeće dopunske taksi oznake i to na člana uže porodice, te na drugo fizičko lice koje ispunjava uslove po principu 2 oznake za jedan.

Po navedenoj osnovi ukupno 248 taksi prijevoznika su od stupnja na snagu Zakona o taksi prijevozu u Kantonu Sarajevo (02.04.2014 godine) izvršila prenos dopunske taksi oznake na drugo fizičko lice po principu dvije za jednu, čime je smanjen broj dopunskih taksi oznaka za 124 oznaku.

U 2021 godini u odnosu na izvještaj za 2020 godinu broj taksi oznaka je smanjen je za 13 taksi oznaka i to po osnovu prenosa taksi oznake po principu dvije za jednu.

III UTVRĐIVANJE BROJA TAKSI OZNAKA

U članu 20. i 20a. Zakona o taksi prijevozu u Kantonu Sarajevo propisano je:

Član 20.

(Utvrdjivanje broja taksi oznaka)

- (1) Broj taksi oznaka za Kanton utvrđuje Ministarstvo u omjeru 1 taksi oznaka na 700 stanovnika, dok se nove dopunske taksi oznake neće izdavati dok se ne postigne navedeni omjer.
- (2) Broj stanovnika u Kantonu, utvrđuje se jednom godišnje, a na osnovu izvještaja Federalnog zavoda za statistiku.
- (3) Broj slobodnih taksi oznaka posebnim aktom utvrđuje Skupština Kantona Sarajevo na osnovu razlike broja taksi oznaka iz stava (1) ovog člana i postojećeg broja važećih taksi oznaka, na kraju tekuće godine za narednu godinu po izvještaju resornog Ministarstva.
- (4) Na osnovu akta iz stava (3) ovog člana, Ministarstvo pokreće postupak dodjele slobodnih taksi oznaka.

Član 20a.

(Utvrđivanje broja dopunskih taksi oznaka za prijevoz lica sa invaliditetom)

- (1) Broj dopunskih taksi oznaka za prijevoz lica sa invaliditetom utvrđuje Ministarstvo u omjeru jedna dopunska taksi oznaka za prijevoz lica sa invaliditetom na 100 dopunskih taksi oznaka.
- (2) Broj dopunskih taksi oznaka u Kantonu, utvrđuje se jednom godišnje na kraju tekuće godine, a na osnovu podataka iz evidencije Ministarstva
- (3) Broj slobodnih dopunskih taksi oznaka za prijevoz lica iz stave (1) ovog člana posebnim aktom utvrđuje Skupština Kantona Sarajevo na osnovu razlike broja taksi oznaka za prijevoz lica sa invaliditetom i postojećeg broja važećih dopunskih taksi oznaka za prijevoz i postojećeg broja važećih dopunskih taksi oznaka za prijevoz lica sa invaliditetom, na kraju tekuće godine za narednu godinu po izvještaju resornog Ministarstva.
- (4) Na osnovu akta iz stave (3) ovog člana, Ministarstvo pokreće postupak dodjele slobodnih dopunskih taksi oznaka za prijevoz lica iz stave (1) ovog člana.
- (5) Broj dopunskih taksi oznaka iz stave (1) ovog člana ne ulazi u broj dopunskih taksi oznaka koji se utvrđuje u skladu sa članom 20. stav(1) ovog Zakona.
- (6) Sve odredbe ovog Zakona i Federalnog zakona koje se odnose na dopunske taksi oznake odnose se i na taksi oznake za prijevoz lica sa invaliditetom.”
- (7) Dopunske taksi oznake za prijevoz lica sa invaliditetom ne mogu se prenositi u skladu sa odredbama člana 24.stav (3) ovog Zakona, a prilikom zamjene vozila odobrava se isključivo zamjena za taksi vozila opremljena za taksi prijevoz lica sa invaliditetom.

Broj stanovnika u Kantonu Sarajevo prema izvještaju Federalnog Zavoda za statistiku iznosi 419.918 (Statistički bilten Kantona Sarajevo za mjesec oktobar 2021 godine-procjena za 30.06.2021).

Na osnovu člana 20. stav 1. Ministarstvo saobraćaja utvrđuje da je potreban broj taksi oznaka u Kantonu Sarajevo u iznosu: **600 dopunske taksi oznake.**

Postojeći broj taksi oznaka u Kantonu Sarajevo je:

Red. br.	Opis grupe	Broj prijevoznika fizičkih lica	Broj vozila pravnih lica	UKUPNO
1.	Taksi prijevoznici: sa svim urednim dokumentima (»TA« table, važeća licenca prijevoznika , važeća licenca vozila, važeće rješenje o taksi oznaci	732	128	860
2.	Taksi prijevoznici kojima je istekla taksi oznaka a nije im utvrđena odjava djelatnosti	15	0	15

		747	128	875
--	--	-----	-----	-----

Trenutno se vodi manji broj postupaka za produženje dopunske taksi oznake taksi prijevoznicima koji istu nisu produžili na vrijeme, te možemo konstatovati da za 15 taksi oznake fizičkih lica nije utvrđen konačan status, a isti će biti utvrđen po okončanju postupka.

U prilogu su dat tabelarnih prikaz podataka o svim taksi oznakama.

IV ZAKLJUČAK

U Kantonu Sarajevo nisu ispunjeni uslovi za izdavanje novih dopunskih taksi oznaka u 2022 godini.



Član 19.

(Izdavanje dopunske taksi oznake)

- (1) Dopunsku taksi oznaku izdaje Ministarstvo na način propisan ovim Zakonom, uz naknadu. O dodjeli taksi oznake, Ministarstvo donosi rješenje.
- (2) Rješenje o dodjeli dopunske taksi oznake i dopunska taksi oznaka se izdaje za svako pojedinačno taksi vozilo u slučaju:
 - a) produženja važnosti dopunske taksi oznake;
 - b) zamjene dopunske taksi oznake;
 - c) izdavanja slobodne dopunske taksi oznake u slučaju iz člana 30. stav (3) ovog Zakona.
- (3) Period važenja dopunske taksi oznake je godinu dana, ali ne duže od roka važenja licence "D" za vozilo.
- (4) Naknadu iz stava (1) ovog člana utvrđuje Ministarstvo.
- (5) Naknade iz stava (1) ovog člana su prihod budžeta Kantona.

Odjeljak B - Broj dopunskih taksi oznaka

Član 20.

(Utvrđivanje broja taksi oznaka)

- (1) Broj taksi oznaka za Kanton utvrđuje Ministarstvo u omjeru 1 taksi oznaka na 700 stanovnika, dok se nove dopunske taksi oznake neće izdavati dok se ne postigne navedeni omjer.
- (2) Broj stanovnika u Kantonu, utvrđuje se jednom godišnje, a na osnovu izvještaja Federalnog zavoda za statistiku.
- (3) Broj slobodnih taksi oznaka posebnim aktom utvrđuje Skupština Kantona Sarajevo na osnovu razlike broja taksi oznaka iz stava (1) ovog člana i postojećeg broja važećih taksi oznaka, na kraju tekuće godine za narednu godinu po izvještaju resornog Ministarstva.
- (4) Na osnovu akta iz stava (3) ovog člana, Ministarstvo pokreće postupak dodjele slobodnih taksi oznaka.

Odjeljak C - Produženje važenja dopunske taksi oznake

Član 21.

(Zahtjev za produženje važenja dopunske taksi oznake)

- (1) Taksij prijevoznik koji posjeduje važeću dopunsku taksi oznaku, dužan je podnijeti zahtjev za produženje iste, prije isteka njenog važenja.
- (2) Zahtjev iz stava (1) ovog člana podnosi se najranije 15 dana prije isteka važenja dopunske taksi oznake.
- (3) Uz zahtjev taksi prijevoznik je dužan priložiti:
 - a) uvjerenje da nema dospjelih, a neizmirenih obaveza po osnovu javnih prihoda, ne starije od 90 dana, ili da izmiruje obaveze u skladu sa potpisanim sporazumom sa Poreznom upravom o načinu izmirenja obaveza po osnovu javnih prihoda;
 - b) dokaz o izmirenim obavezama za korištenje taksi stajališta;
 - c) dokaz o uplati naknade za produženje dopunske taksi oznake;
 - d) obavještenje o razvrstavanju obrta - srodne djelatnosti prema klasifikaciji djelatnosti odnosno obavještenje o razvrstavanju pravnog lica prema klasifikaciji djelatnosti;
 - e) rješenje o upisu poslovnog subjekta u sudski registar odnosno rješenje o odobrenju djelatnosti u skladu sa članom 4. stav (3) ovog Zakona;
 - f) potvrdu Porezne uprave o statusu za uposlenog vozača ili vozače.

- (4) Zahtjev za produženje roka važenja dopunske taksi oznake podnesen 60 dana nakon isteka važenja iste, Ministarstvo odbacuje kao neblagovremen, a taksi oznaka se smatra slobodnom.

- (5) Naknade iz stava (3) ovog člana su prihod budžeta Kantona.

Član 22.

(Rješavanje zahtjeva za produženje važenja dopunske taksi oznake)

- (1) Ministarstvo postupajući po zahtjevu iz člana 21. stav (1) ovog Zakona, po službenoj dužnosti provjerava da li taksi prijevoznik posjeduje:
 - a) važeće rješenje o ispunjavanju tehničko-eksploatacionih uslova za taksi vozilo;
 - b) važeću licencu "D" za taksi prijevoz u formi rješenja;
 - c) važeću licencu "D" za taksi vozilo i
 - d) važeću dopunsku taksi oznaku.
- (2) Ukoliko taksi prijevoznik ispunjava uslove propisane ovim Zakonom, Ministarstvo donosi rješenje o dodjeli dopunske taksi oznake i izdaje dopunsku taksi oznaku.

Odjeljak D - Zamjena dopunske taksi oznake

Član 23.

(Zahtjev za zamjenu dopunske taksi oznake)

- (1) U slučaju promjene podataka na osnovu kojih je izdata dopunska taksi oznaka, taksi prijevoznik dužan je u roku od 8 dana od dana promjene podataka podnijeti zahtjev Ministarstvu za zamjenu dopunske taksi oznake i dostaviti ovjerene kopije dokumenata kao dokaz o promjeni podataka.
- (2) Zamjensku taksi oznaku Ministarstvo izdaje sa prethodnim rokom važenja.

Odjeljak E - Unos prava na dopunsku taksi oznaku

Član 24.

(Unos prava na dopunsku taksi oznaku)

- (1) Dopunska taksi oznaka se ne može prenositi.
- (2) Ministarstvo daje saglasnost za unos prava na važeću dopunsku taksi oznaku prilikom: spajanja, pripajanja, podjele, promjene oblika društva koje je registrovano za obavljanje djelatnosti taksi prijevoza, a u skladu sa Zakonom o privrednim društvima.
- (3) Izuzetno od odredbi stava (1) ovog člana, za samostalnog taksi prevoznika - fizičko lice, Ministarstvo će Rješenjem odobriti prenos važeće dopunske taksi oznake u slučaju smrti ili prestanka bavljenja taksi djelatnošću ili odjave djelatnosti taksi prevoznika - fizičkog lica u bilo kojem periodu na:
 - a) člana uže porodice koji ispunjava uslove za obavljanje taksi prevoza, odnosno za sticanje oznake, a pod istim se u smislu ovog Zakona podrazumijevaju: bračni drug, djeca rođena u braku i van braka, usvojena i pastorki, bračni drug djece, roditelji bračnih drugova, otac, majka, očuh, maćeha i usvojlac, braća, sestre i unučad,
 - b) drugo fizičko lice koje ispunjava uslove za obavljanje taksi prevoza po principu dvije za jednu, odnosno za sticanje prava na jednu oznaku, potrebno je izvršiti prenos dvije postojeće taksi oznake ugovorom zaključenim kod notara između lica koja prenose oznaku i lica koje preuzimaju oznaku. Ugovor je valjan kad Ministarstvo da saglasnost na isti.